

MISSAE PROPRIAE

IN FESTIS SS. PATRONORUM

AD USUM

FRATRUM MINORUM

PROVINCIAE S. JOANNIS A CAPISTRANO

IN HUNGARIA



TYPIS KAPISZTRÁN-NYOMDA, VÁC.

MCMXXXVI.

No. 786/1936.

Diligenti revisione peracta, omnia Originalibus conformia reperta sunt.

In quorum fidem :

Budapestini, die 30. Octobris, 1936.

(L. † S.)

Fr. P. Hermenegildus Hermann O. F. M.

Minister Provinciae Capistranae

Fr. P. Fortunatus Martinov O. F. M.

Calendarista Provinciae.

Nihil obstat.

P. Hugo Riba O. F. M.

ensor dioecesanus.

Nr. 5377/1936.

Vacii, die 9-a Novembris, 1936.

Imprimatur.

(L. † S.)

† **Stephanus**

Episcopus.

MISSAE PROPRIAE

PROVINCIAE S. JOANNIS A CAPISTRANO IN HUNGARIA.

Die 23. Aprilis.

S. Adalberti *Episc.*, *Mart.*

Introitus. *Ps. 63.*

Protexísti me, Deus, a convtu malignántium, allelúja: a multitudine operántium iniquitátem, allelúja, allelúja. *Ps. ibid.* Exaúdi, Deus, oratióem meam cum deprecor: a timóre inimíci éripe ánimam meam.

† Glória Patri.

Oratio.

Omnípotens sempitérne Deus, qui hodiérna die beátum Adalbértum, Mártyrem tuum atque Pontíficem, mérito passióis Sanctis tuis sociáre dignátus es: tríbe quaesumus; ut per eius exémpa ad pátriam perveniámus aetérnam. Per Dóminum nostrum.

Et fit *Commemoratio B. Aegidii Conf.*, deinde *S. Georgii Mart.*, ut in *Missali* hac die.

Léctio Epístolae beáti Jacóbi Apostoli.

Jac. 1.

Caríssimi: Omne gaúdium existimáte, cum in tentatióes várias incidéritis: sciéntes, quod probátio fidei vestrae patiéntiam operátur. Patiéntia autem opus perféctum habet: ut sitis perfécti, et íntegri, in nullo deficientes. Si quis autem vestrum índiget sapiéntia, póstulet a Deo, qui dat ómnibus affluénter, et non im-

próperat: et dábitur ei. Póstulet autem in fide nihil haesitans: qui enim haesitat, símilis est flúctui maris, qui a vento movétur, et circumfértur. Non ergo aestimet homo ille, quod accípiat áliquid a Dómino. Vir duplex ánimo, incónstans est in ómnibus viis suis. Gloriétur autem frater húmilis in exaltatióne sua: dives autem in humilitáte sua, quóniam sicut flos foeni transíbit: exórtus est enim sol cum ardóre, et arefécit foenum, et flos eius décidit, et decor vultus eius depérrit; ita et dives in itinéribus suis marcéscet. Beátus vir, qui suffert tentatióem: quóniam cum probátus fúerit, accípiet corónam vitae, quam repromísit Deus diligéntibus se.

Allelúja, allelúja.

† *Ps. 88.* Confítebúntur coeli mirabília tua, Dómine: étenim veritátem tuam in Ecclésia Sanctórum. Allelúja.

† *Ps. 20.* Posuísti, Dómine, super caput ejus corónam de lápide pretiósio. Allelúja.

✠ Sequéntia sancti Evangélíi secúndum Joánnem. *Joann. 15.*

In illo témpore: Dixit Jesus discíplulis suis: Ego sum vitis vera: et Pater meus agrícola est. Omnem pálmitem in me non feréntem fructum, tollet eum: et omnem, qui fert fructum, purgábit eum, ut fructum plus áfferat. Jam vos mundi estis propter sermónem, quem locútus

sum vobis. Manéte in me: et ego in vobis. Sicut palmes non potest ferre fructum a semetipso, nisi manserit in vite: sic nec vos, nisi in me manseritis. Ego sum vitis, vos palmites: qui manet in me, et ego in eo, hic fert fructum multum: quia sine me nihil potestis facere. Si quis in me non manserit, mittetur foras sicut palmes, et arcescet, et colligent eum, et in ignem mittent, et ardet. Si manseritis in me, et verba mea in vobis manserint: quodcumque volueritis, petetis, et fiet vobis.

Offertorium Ps. 88, 6 Confitebuntur caeli mirabilia tua, Domine: et veritatem tuam in ecclesia sanctorum, allelúja, allelúja.

Secreta

Hóstias tibi, Domine, beati Adalberti, Mártiris tui atque Pontificis, dicatas méritis, benignus assúme: et ad perpetuum nobis tribue provenire subsidium. Per Dóminum nostrum.

Et fit Commemoratio B. Aegidii Conf. et S. Georgii Mart.

Communio Ps. 63, 11 Laetabitur justus in Dómino, et sperabit in eo: et laudabuntur omnes recti corde, allelúja, allelúja.

Postcommunio

Beati Adalberti, Mártiris tui atque Pontificis, intercessióne, Domine, placatus: praesta, quaesumus; ut quae temporali celebramus accióne, perpetua salvatióne capiámus. Per Dóminum.

Et fit Commemoratio B. Aegidii Conf. et S. Georgii Mart.

In Missis votivis extra Tempus Paschale sumatur Missa Sacerdotes Dei, praeter proprias Orationes et Epistolam, ut supra.

Die 4 Maji

S. Floriani Mártiris

Missa Protexisti, de Comuni Mm. Temp. Paschali, praeter Orationes sequentes:

Oratio

Deus, qui nos beati Floriani Mártiris tui solemnitate laetificas: concéde propítius; ut cujus gloriósum triúmphum

venerámur in terris, societatis ejus laetitiam adipisci mereámur in caelis. Per Dóminum nostrum.

Et fit Commemoratio S. Monicae Viduae, ut in Missali hac die.

Secreta

Hanc oblatiōnis hóstiam, quaesumus, omnipotens Deus, beati Floriani Mártiris tui, digna comméndet oratio, qui sancto caritatis tuae devictus amore, propriam sui corporis hóstiam in odorem suavitatis tibi obtulit vivam. Per Dóminum nostrum.

Et fit Commemoratio S. Monicae Vid.

Postcommunio

Sancta nos, quaesumus, Domine, sacramenti coeléstis participatio et ab hóstium cállido tueatur incursu, et sancto Floriano intercedente, nobis remedia salutis cónferat sempiterna. Per Dóminum.

Et fit Commemoratio S. Monicae Vid.

Die 16. Maji.

**S. Joannis Nepomuceni Mártiris.
Pro Dioec. Rosnaviensi.**

Introitus. Eccl. 51.

Dedit mihi Dominus linguam mercédem meam: et in ipsa laudábo eum.

Psal. 38. Dixi: Custódiam vias meas, ut non delinquam in lingua mea.

∇ Gloria Patri.

Oratio.

Deus qui ob invictum beati Joannis sacramentale siléntium, nova Ecclesiam tuam martyrii coróna decorásti: da ut ejus exémplo et intercessióne, ori nostro custódiam ponéntes; Beátis, qui lingua non sunt lapsi, annumerémur. Per Dóminum.

Et non fit Commer. S. Ubaldi Episc., Conf.

Léctio libri Sapientiae. **Eccl. 21. 26.**
Stultus a fenestra respiciet in domum: vir autem eruditus foris stabit. Stultitia hominis ausculare per óstium: et prudens gravabitur contumelia. Labia

imprudéntium stulta narrábunt: verba autem prudéntium statéra ponderabúntur. In ore fatuórum cor illórum: et in corde sapiéntium os illórum. Dum maledícit ímpius diábolum, maledícit ipse ánimam suam. Susúrro coinquinabit ánimam suam, et in ómnibus odiétur: et qui cum eo manserit, odiósus erit: táctus et sensátus honorábitur.

Temp. Pasch. Allelúja, allelúja.

✠ **Eccli. 25.** Beátus, qui lingua sua non est lapsus, et qui non servívit indignis se. Allelúja.

✠ **Prov. 10.** Lingua pravórum períbit: lingua autem sapientium est sánitas. Allelúja.

Extra tempus Paschale.

Graduale. Prov. 11. Qui ámbulat fraudulénter, revélat arcána: qui autem fidelis est ánimi, celat.

✠ **Psalm. 14.** Dómine, quis habitábit in tabernaculo tuo, aut quis requiescet in monte sancto tuo? Qui non egit dolum in lingua sua: nec fecit próximo suo malum.

Allelúja, allelúja. ✠ **Eccli. 25.** Beátus, qui lingua sua non est lapsus, et qui non servívit indignis se. Allelúja.

**In Missis votivis post Septuages., omis-
sis Allelúja et ✠ seq. dicitur:**

Tract. Jac. 1. Si quis putat, se religiósus esse, non refraenens linguam suam, sed sedúcens cor suum: hujus vana est relígio. ✠ **ibid.** Si quis in verbo non oféndit, hic perféctus est vir. ✠ **ib.** Omnes enim natúra bestiárum domántur, et dómita sunt a natura humana: linguam autem nullus hóminum domáre potest.

✠ **Sequéntia sancti Evangélii secúndum
Matthaeum. Matth. 11. 2.**

In illo témpore: Cum audíset Joánnes in vínculis ópera Christi, mittens duos ex discípulis suis, ait illis: Tu es qui ventúrus es, an álium expectámus? Et respóndens Jesus, ait illis: Euntes renuntiáte Joánni quae audístis et vidístis. Caeci vídent, claudi ámbulant, leprósi mundántur, surdi áudiunt, mórtui resúrgunt, páuperes evangelizántur: et beátus

est, qui non fúerit scandalizátus in me. Illis autem abeúntibus, coepit Jesus dícere ad turbas de Joánnes: Quid existis in desértum vidére? arúndinem vento agitátam? Sed quid existis vidére? hóminem móllibus vestítum? Ecce qui móllibus vestiúntur, in dómibus regum sunt. Sed quid existis vidére? Prophétam? Etiam dico vobis, et plus quam Prophétam. Hic est enim de quo scriptum est: Ecce ego mitto Angelum meum ante fáciem tuam, qui praeparábit viam tuam ante te.

Offertor. Eccli. 42. Non dúplices sermónem de revelatióne sermónis abscónditi, et eris vere sine confusióne: et invénies grátiam in conspéctu ómnium hóminum.

Secreta.

Haec tua, Dómine, sacra mystéria illum in nobis, quaesumus, ignem accéndant, quo ínclytus Martyr et Sacerdos tuus Joánnes, ea peragéndo, flagrábat. Per Dóminum.

Communio. Isaiae 6. Volávit ad me unus de Séraphim: et in manu ejus cálculus, quem túlerat de altári, et tétigit os meum.

Postcommunio.

Fragilitátem nostram, Dómine, coeléstis haec mensa fortium pane confirmet: qui beáti Mártyris et Sacerdotis tui Joánnis tentátam contra honórem Sacraménti constántiam, júgiter áluit ad victóriam. Per Dóminum.

Die 27. Junii.

S. Ladislai Regis Hungar., Conf.

Introitus. Ps. 36.

Os justi meditábitur sapiéntiam, et lingua ejus loquétur iudícium: lex Dei ejus in corde ipsíus. **Ps. ib.** Noli aemulári in malignántibus: neque zeláveris faciéntes iniquitátem. **v.** Glória Patri.

Oratio.

Deus, qui beátum Regem Ladisláum, Confessórem tuum, diversis decorásti miraculis: praesta quaesumus; ut ejus suffragántibus méritis, ab ómnibus semper muniámur advérsis, et gaúdiis perfruámur aetérnis. Per Dóminum.

Et fit Commemoratio B. Benvenuti Conf.; deinde Octavae S. Joannis, ut in Missali.

Lectio libri Sapiéntiae. Sap. 10. b.

Justum deduxit Dóminus per vias re-ctas, et osténdit illi regnum Dei, et dedit illi sciéntiam sanctórum: honestávit illum in labóribus, et complévit labóres illius. In fraude circumveniéntium illum áffuit illi, et honéstum fecit illum. Custodívit illum ab inimícis, et a seduc-tóribus tutávit illum, et certámen forte dedit illi, ut vínceret, et sciret, quóniam ómnium poténtior est sapiéntia. Haec vénditum justum non derelíquit, sed a peccatóribus liberávit eum: descendítque cum illo in fóveam, et in vínculis non derelíquit illum, donec afférret illi scep-trum regni, et poténtiam advérsus eos, qui eum deprimébant: et mendáces osténdit, qui maculavérunt illum, et dedit illi claritátem aetérnam, Dóminus Deus noster.

Graduale. Ps. 91. Justus ut palma flo-rébit, sicut cedrus Líbani multiplicábitur in domo Dómini. **v.** Ad annuntiándum mane misericórdiam tuam, et veritátem tuam per noctem.

Allelúja, allelúja.

v. Jac. 1. Beátus vir, qui suffert tenta-tionem: quóniam cum probátus fúerit, accípiet corónam vitae. Allelúja.

In missis votivis post Septuagesimam, omissis Allelúja, et Versu sequenti, dicitur:

Tractus. Ps. 111. Beátus vir, qui timet Dóminum, in mandátis ejus cupit nimis. **v.** Potens in terra erit semen ejus: generátio rectórum benedicétur. **v.** Glória, et divítiae in domo ejus: et justítia ejus manet in saeculum saeculi.

Tempore Paschali omittitur Graduale, et ejus loco dicitur:

Allelúja, allelúja.

v. Jac. 1. Beátus vir, qui suffert tenta-tiónem: quóniam cum probátus fúerit, accípiet corónam vitae. Allelúja. **v. Eccli. 45.** Amávit eum Dóminus, et ornávit eum: stolam glóriæ induit eum. Allelúja.

✠ Sequéntia sancti Evangélii secúndum Lucam. Luc. 12. c.

In illo témpore: Dixit Jesus discípu-lis suis: Sint lumbi vestri praecínti, et lucernae ardéntes in má nibus vestris, et vos símiles homínibus exspectántibus dóminum suum, quando revertátur a núptiis: ut cum vénerit, et pulsáverit, conféstim apériant ei. Beáti servi illi, quos, cum vénerit dóminus, invénerit vigilántes: amen dico vobis, quod prae-cínget se, et fáciat illos discumbere, et tránsiens ministrábit illis. Et si vénerit in secúnda vigília, et si in tértia vigília ve-nerit, et ita invénerit, beáti sunt servi illi. Hoc autem scitóte, quóniam si sciret paterfamilias, qua hora fur venret, vigi-láret útique, et non sineret pérfodi do-mum suam. Et vos estóte paráti, quia qua hora non putátis, Fílius hóminis véniet.

Offertorium. Ps. 88, 25. Véritas mea et misericórdia mea cum ipso: et in nó-mine meo exaltábitur cornu ejus.

Secreta.

Hóstias piae placatiónis offérimus cle-méntiae tuae, omnipotens Deus: quas beáti Regis Ladislái, Confessóris tui méritis et précibus, placátus accípias, et cleménter dispénses. Per Dóminum.

Et fit Commemoratio B. Benvenuti Conf., deinde Octavae S. Joannis.

Communio. Matth. 24, 46-47. Beátus servus, quem, cum vénerit Dóminus, in-vénerit vigilántem: amen, dico vobis, super ómnia bona sua constituet eum.

Postcommunio.

Sacraménta, Dómine, salutária sumén-tes, cleméntiam tuam humíliter ex-orámus: ut intercessióne beáti Ladislái, Confessóris tui, et praeséntibus non des-tituámur subsidiis, et gáudiis perfruámur aetérnis. Per Dóminum.

Et fit Commemoratio B. Benvenuti Conf., deinde Octavae S. Joannis,

Si hodie fuerit Sabbatum, fit Comme-moratio de Vigília anticipata Ss. Petri et Pauli Apostolorum, et de ea legitur Evangelium in fine, ut in Missali die 28 Junii 2 loco.

Die 20 Augusti

**S. Stephani Regis, Confessoris,
Patroni Regni Hungariae.****Introitus. Ps. 91, 13-14.**

Justus ut palma florébit: sicut cedrus Líbani multiplicábitur: plantátus in domo Dómini: in átriis domus Dei nostri. **Ps. 36, 1.** Noli aemulári in malignántibus: neque zeláveris faciéntes iniquitátem. **V.** Glória Patri.

Oratio

Concéde, quaesumus, Ecclésiae tuae, omnipotens Deus: ut beátum Stéphanum Confessórem tuum, quem regnántem in terris propagatórem hábuit, propugnatórem habére mereátur gloriósum in caelis. Per Dóminum.

Et in Missis privatis tantum, fit Commemoratio S. Bernardi Abbat. et Eccl. Doct.

Oratio.

Deus, qui pópulo tuo aetérnae salútis beátum Bernárdum ministrum tribuísti: praesta, quaesumus; ut, quem Doctórem vitae habúimus in terris, intercessórem habére mereámur in caelis. Per Dóminum nostrum.

Léctio libri Sapiéntiae.**Eccli. 31, 8-11.**

Beátus vir, qui invéntus est sine mácula: et qui post aurum non ábiit, nec sperávit in pecúnia et thesáuris. Quis est hic, et laudábimus eum? fecit enim mirabilia in vita sua. Qui probátus est in illo, et perféctus est, erit illi glória aetérna: qui pótuit tránsgridi, et non est transgréssus: fácere mala, et non fecit: ideo stabilita sunt bona illíus in Dómino, et elemósynas illíus enarrábit omnis Ecclésia Sanctórum.

Graduale. Ps. 36. Os justi meditábitur sapiéntiam, et lingua ejus loquétur júdicium. **V.** Lex Dei ejus in corde ipsíus, et non supplantabúntur gressus ejus.

Allelúja, allelúja.

V. Ps. 111. Beátus vir, qui timet Dóminum: in mandátis ejus cupit nimis. **Allelúja.**

In Missis votivis post Septuagesimam, omissis Allelúja, et Versu sequenti, dicitur:

Tractus. Ps. 111. Beátus vir, qui timet Dóminum: in mandátis ejus cupit nimis. **V.** Potens in terra erit semen ejus: generátio rectórum benedicétur. **V.** Glória, et divítiae in domo ejus: et justítia ejus manet in saeculum saeculi.

Tempore Paschali omittitur Graduale, et ejus loco dicitur:

Allelúja, allelúja.

V. ibid. Beátus vir, qui timet Dóminum: in mandátis ejus cupit nimis. **Allelúja.**
V. Osee 14. Justus germinábit sicut lílium: et florébit in aetérnum ante Dóminum. **Allelúja.**

Sequéntia sancti Evangélli secúndum Lucam. Luc. 19. b.

In illo témpore: Dixit Jesus discíplis suis parábolam hanc: Homo quidam nóbilis ábiit in regiónem longínquam accíperé sibi regnum, et revérti. Vocátis sibi decem servis suis, dedit eis decem mnas, et ait ad illos: **Negotiámin dum vénio.** Cives autem ejus óderant eum: et miserunt legatiónem post illum, dicéntes: **Nólumus hunc regnáre super nos.** Et factum est, ut redíret accépto regno: et jussit vocári servos, quibus dedit pecúniám, ut sciret quantum quisque negotiátus esset. Venit autem primus, dicens: **Dómine, mna tua decem mnas acquisívit.** Et ait illi: **Euge bone serve, quia in módico fuísti fidélis, eris potestátem habens super decem civitátes.** Et alter venit, dicens: **Dómine, mna tua fecit quinque mnas.** Et huic ait: **Et tu esto super quinque civitátes.** Et alter venit, dicens: **Dómine, ecce mna tua, quam hábui repósitam in sudário: tímui enim te, quia homo austérus es: tollis quod non posuísti, et metis quod non seminásti.** Dicit ei: **De ore tuo te júdico, serve nequam. Sciébas, quod ego homo austérus sum, tollens quod non pósui, et metens, quod non seminávi: et quare non dedísti pecúniám meam ad mensam, ut ego véniens, cum usúris útique**

exegissem illam? Et astántibus dixit: Auferte ab illo mnam, et date illi, qui decem mnas habet. Et dixerunt ei: Dómine, habet decem mnas. Dico autem vobis: Quia omni habénti dábitur, et abundábit: ab eo autem, qui non habet, et quod habet, auferétur ab eo. Credo.

Offertorium. Ps. 20. In virtúte tua, Dómine, laetábitur justus, et super salutáre tuum exultábit veheménter: desidérium ánimae ejus tribuísti ei.

Secreta.

Sacrificium, Dómine, quod tuae offérimus majestáti, benigno vultu respice: et intercessióne beáti Regis Stéphani Confessóris tui, nos ab ómnium inimicórum insídiis defénde, et vitae aetérnae praemia concéde. Per Dóminum.

Pro S. Bernardo.

Secreta.

Sancti tui Bernárdi nobis, Dómine, pia non desit orátio: quae et múnera nostra concíliet; et tuam nobis indulgéntiam semper obtíneat. Per Dóminum.

Praefatio de B. M. V. Et te in Assumptióne.

Communio. Matth. 24. Beátus servus, quem, cum vénerit Dóminus, invénerit vigilántem: amen dico vobis, super ómnia bona sua constituet eum.

Postcommunio.

Tuere, quaesumus Dómine, familiam tuam: et quam per doctrinam beáti Regis Stéphani Confessóris tui, de ténebris ad veram lucem convertísti, eam post hujus témporis decúrsum, percépti sacrificii munímine, cleménter perdúcas ad regna coelórum. Per Dóminum.

Pro S. Bernardo.

Postcommunio.

Ut nobis, Dómine, tua sacrificia dent salutem: beátus Bernárdus Confessor tuus et Doctor egrégius, quaesumus, precátor accédát. Per Dóminum.

Die 26. Septembris.

S. Gerardi Episc., Mart.

Introitus.

Eccli. 45.

Státuit ei Dóminus testaméntum pacis: et príncipem fecit eum: ut sit illi sacerdotií dignitas in aetérnum. **Ps. 131.** Meménto, Dómine, David, et omnis mansuetúdinis ejus. **V.** Glória Patri.

Oratio.

Deus, qui beátum Gerárdum Pontíficem agóne martyrii et stola immortalitátis coronásti: concéde propítius; ut cujus memóriam devótis méntibus celebrámus in terris, ejus perpétua defénsióne muniámur in coelis. Per Dóminum.

Et, in Missis privatis tantum, fit Commemoratio S. Pacífici Conf.; deinde B. M. V. de Mercede, ut in Missali hac die.

Léctio Epístolae beáti Jacóbi Apóstoli.

Jac. 1. b.

Caríssimi: Beátus vir, qui suffert tentatióne: quóniam cum probátus fúerit, accípiet corónam vitae, quam repromísit Deus diligéntibus se. Nemo cum tentátur, dicat, quóniam a Deo tentátur: Deus enim intentátor malórum est: ipse autem néminem tentat. Unusquisque vero tentátur a concupiscéntia sua abstráctus, et illéctus. Deínde concupiscéntia cum concéperit, parit peccátum: peccátum vero cum consummátum fúerit, génerat mortem. Nolíte ítaque erráre, frátres mei dilectíssimi. Omne datum óptimum, et omne donum perféctum desúrsum est, descéndens a Patre lúminum, apud quem non est transmutátio, nec vicissitúdinis obumbrátio. Voluntárie enim genuit nos verbo veritátis, ut simus iníitium áliquod creatúrae ejus.

Graduale. Ps. 88. Invéni David servum meum, óleo sancto meo unxi eum: manus enim mea auxiliábitur ei, et bráchium meum confortábit eum. **V.** Nihil profíciet inimicus in eo: et filius iniquitátis non nocébit ei.

Allelúja, allelúja.

V. Ps. 109. Tu es sacerdos in aetérnum,

secúndum órđinem Melchisedech. Allelúja.

In Missis votivis post Septuagesimam, omissis Allelúja, et Versu sequenti, dicitur:

Tractus. Ps. 20. Desidérium ánimae ejus tribuísti ei: et voluntáte labiórú ejus non fraudásti eum. *V.* Quóniam praevenísti eum in benedictiónibus dulcédinis. *V.* Posuísti in cápite ejus corónam de lápide pretiósó.

✠ **Sequéntia sancti Evangélii secúndum Mattháeum. Matth. 19. d.**

In illo témpore: Dixit Jesus discípulis suis: Si quis vult post me veníre, ábneget semetípsum, et tollat crucem suam, et sequátur me. Qui enim volúerit ánimam suam salvam fácere, perdet eam: qui autem perdíderit ánimam suam propter me, invéniet eam. Quid enim prodest hóm̄ini, si mundum univérsum lucrétur, ánimae vero suae detriméntum patiátur? Aut quam dabit homo commutatióem pro ánima sua? Fílius enim hóm̄inis ventúrus est in glória Patris sui cum Angelis suis: et tunc reddet unicuíque secúndum ópera ejus. — **Credo.**

Offertorium. Ps. 88. Véritas mea, et misericórdia mea cum ipso: et in nómine meo exaltábitur cornu ejus.

Secreta.

Obláta, Dómine, múnera sanctífica: et intercessióne beáti Gerárdi Mártiris tui atque Pontíficis, ab ómnibus nos defénde perículis. Per Dóminum.

Et fit Commemoratio S. Pacifici et B. M. V. de Mercede, ut supra.

Praefatio B. M. V. Et te in Festivátate.

Communio. Ibid. Semel jurávi; in Sancto meo: semen ejus in aetérnum manébit: et sedes ejus sicut sol in conspéctu meo, et sicut luna perfécta in aetérnum, et testis in coelo fidélis.

Postcommunio.

Satiásti Dómine familiam tuam pretiosíssimi Córporis et Sanguinis Fílii tui libámine: praesta quáesumus; ut in-

tercessióne beáti Gerárdi Mártiris tui atque Pontíficis, nobis proficiat ad salutem mentis et córporis. Per eúmdem Dóminum.

Et fit Commemoratio S. Pacifici et B. M. V. de Mercede, ut supra.

In Missis privatis legitur ultimum Evangelium de B. M. V. Loquente Jesu.

In Missis votivis tempore Paschali sumatur Missa Protexísti, praeter Orationes proprias, ut supra.

Die 8. Octobris.

**B. M. V. sub titulo
Magnae Hungarorum Dominae**

Introitus.

Gaudéamus omnes in Dómino, diem festum celebrántes, sub honóre beátae Maríae Vírginis, Magnae nostrae Dóminae ac Patrónae, de cujus solemnitate gaudent Angeli, et collaudant fílium Dei. **Ps. 104, 1.** Confitémini Domino et invocáte nomen ejus; annuntiáte inter gentes ópera ejus. *V.* Glória Patri.

In Missis votivis sumatur Introitus ex Missis votivis B. M. V. de tempore conveniente.

Oratio.

Deus, qui intercessióne immaculátae Vírginis Maríae, gentem nostram innúmeris cumulásti beneficiis: concéde propítius; ut quam, protorége beáto Stéphano auctóre, Magnam Dóminam celebrámus, et Patrónam venerámur in terris, perénni ejus consórtio laetémur in caelis. Per Dóminum.

Et fit Commemoratio S. Birgittae Viduae:

Oratio.

Dómine, Deus noster, qui beátae Birgittae per Fílium tuum unigénitum secréta caeléstia revelásti: ipsíus pia intercessióne da nobis fámulis tuis; in revelatióne sempitérnae glóriae tuae gaudére laetántes. Per eúmdem Dóminum nostrum.

Lécto libri Sapiéntiae.

Eccli. 24, 23-31.

Ego quasi vitis fructificávi suavitétem odóris: et flores mei fructus honóris et honestátis. Ego mater pulchrae dilectiónis, et timóris, et agnitiónis, et sanctae spei. In me grátia omnis viae et veritátis: in me omnis spes vitae, et virtútis. Transíte ad me omnes, qui concupíscitis me, et a generatióibus meis implémini. Spíritus enim meus super mel dulcis, et heréditas mea super mel et favum. Memória mea in generatióes saeculórum. Qui edunt me, adhuc esúrient: et qui bibunt me, adhuc sítient. Qui audit me, non confundétur: et qui operántur in me, non peccábunt. Qui elúcidant me, vitam aetérnam habébunt.

Graduale. Judith 13, 23. Benedícta es tu, Virgo María, a Dómino Deo excélso, prae ómnibus muliéribus super terram. **ŷ. ibid.** Tu glória Jerúsalem, tu laetítia Israel, tu honorificéntia pópuli nostri.

Allelúja, allelúja. **ŷ. Cant. 4, 7.** Tota pulchra es, María: et mácula originális non est in te. Allelúja.

In Missis votivis post Septuagesimam, omissis Allelúja, et Versu sequenti, dicitur:

Tractus. Ps. 86, 1-2. Fundaménta ejus in móntibus sanctis: díligit Dóminus portas Sion super ómnia tabernácula Jacob. **ŷ. ibid., 3.** Gloriósa dicta sunt de te, civitas Dei. **ŷ. ibid., 5.** Homo natus est in ea, et ipse fundávit eam Altíssimus.

Tempore Paschali:

Allelúja, allelúja. **ŷ.** Tu glória Jerúsalem, tu laetítia Israel, tu honorificéntia pópuli nostri. Allelúja. **ŷ.** Tota pulchra es, María: et mácula originális non est in te. Allelúja.

✠ Sequéntia sancti Evangéllii secúndum Lucam.

Luc. 1, 26-28.

In illo témpore: Missus est Angelus Gábriel a Deo in civitátem Galiláeae, cui nomen Názareth, ad Vírginem de-

sponsátam viro, cui nomen erat Joseph, de domo David, et nomen Vírginis María. Et ingrèssus Angelus ad eam, dixit: Ave, grátia plena: Dóminus tecum: benedícta tu in muliéribus. **Credo.**

Offertorium. Luc. 1, 28. Ave, María, grátia plena: Dóminus tecum: benedícta tu in muliéribus. Allelúja.

Secreta.

Majestáti tuae, Dómine, Agnum immaculátum offeréntes, quáesumus; ut, intercedénte alma Vírgine immaculáta, et fidéles tui in avíta patrum fide firméntur, et oves quae períerunt, ad veritátis unitátem redeúntes, hoc salutári pábulo nutriántur. Per Dóminum.

Pro S. Birgitta.

Secreta.

Accépta tibi sit, Dómine, sacratae plebis oblátio pro tuórum honóre sanctórum: quorum se méritis de tribulatióne percepisse cognóscit auxiliúm. Per Dóminum nostrum.

Praefatio B. M. V. Et te in Conceptione immaculáta.

Communio. Eccli. 36, 6-10. Innova signa et immúta mirabilia. Glorífica manum tuam et bráchium dexterum. Festína tempus et meménto finis ut enárrent mirabilia tua.

Postcommunio.

Adjuvet pópulum tuum, quáesumus, Dómine, beatae Maríaes semper Vírginis immaculatae, Magnae nostrae Dóminae ac Patrónae intercèssio veneránda: ut, quos perpétuis cumulávit beneficiis, cunctis periculis expeditos, sua fáciat pietáte concórdes. Per Dóminum nostrum.

Pro S. Birgitta

Postcommunio.

Satiásti, Dómine, familiam tuam muneribus sacris: ejus, quáesumus, semper interventióne nos réfove, cujus solémnia celebrámus. Per Dóminum.

Die 5. Novembris.

S. Emerici Ducis Hungar., Conf.



Introitus. Ps. 36, 30-31.

Os justi meditabitur sapiéntiam, et lingua ejus loquetur judícium: lex Dei ejus in corde ipsíus. **Ps. ibid., 1.** Noli aemulári in malignántibus: neque zeláveris faciéntes iniquitátem. **V. Glória Patri.**

Oratio.

Deus, qui beátum Emerícum, juveníli flore niténtem, in sanctórum tuórum consórtium sublimásti: praesta, quáesumus; ut, quem tibi fecísti esse devótum, ejus apud te perpétuum sentiámus auxiliúm. Per Dóminum nostrum.

Et fit Commemoratio Sacrarum Reliquiárum, ut in Missali hac die.

Léctio libri Sapiéntiae.

Sap. 4, 7-17.

Justus, si morte praeoccupátus fúerit, in refrigerío erit. Senéctus enim venerábilis est non diutúrna, neque annórum número computáta: cani autem sunt sensus hóminis, et aetas senectútis vita immaculáta. Placens Deo factus est dílectus, et vivens inter peccatóres translátus est. Raptus est, ne malítia mutáret intelléctum ejus, aut ne fictio decíperet ánimam illíus. Fascinátio enim nugacitátis obscúrat bona, et inconstántia concupiscéntiae transvértit sensum sine malítia. Consummátus in brevi explévit témpora multa, plácita enim erat Deo ánima illíus: propter hoc properávit edúcere illum de médio iniquitátum: pópuli autem vidéntes, et non intelligéntes, nec ponéntes in praecórdiis tália: quóniam grátia Dei, et misericórdia est in sanctos ejus, et respéctus in eléctos illíus. Condémnat autem justus mórtuus vivos ímpios, et juvéntus celérius consummáta longam vitam injústi. Vidébunt enim finem sapiéntis, et non intélligent, quid cogitáverit de illo Deus, et quare muníerit illum Dóminus.

Graduale. Ps. 91, 13-14. Justus ut palma florébit: sicut cedrus Líbani multipli-

cábitur in domo Dómini. **V.** Ad annuntiándum mane misericórdiam tuam, et veritátem tuam per noctem.

Allelúja, allelúja. V. Jac. 1, 12. Beátus vir, qui suffert tentationem: quóniam cum probátus fúerit, accípiet corónam vitae. **Allelúja.**

In Missis votivis post Septuagesimam, omissis Allelúja, et Versu sequenti, dicitur:

Tractus. Ps. 111. Beátus vir, qui timet Dóminum, in mandátis ejus cupit nimis. **V.** Potens in terra erit semen ejus: generátio rectórum benedicétur. **V. Glória,** et divítiae in domo ejus: et justítia ejus manet in saeculum saeculi.

Tempore Paschali omittitur Graduale, et ejus loco dicitur:

Allelúja, allelúja.

V. Jac. 1. Beátus vir, qui suffert tentationem: quóniam cum probátus fúerit, accípiet corónam vitae. **Allelúja. V. Eccli. 45.** Amávit eum Dóminus, et ornávit eum: stolam glóriæ induit eum. **Allelúja.**

✠ Sequéntia sancti Evangélii secúndum Lucam. Luc. 12, 35-40.

In illo témpore: Dixit Jesus discíplis suis: Sint lumbi vestri praecínti, et lucernae ardéntes in má nibus vestris, et vos símiles homínibus exspectántibus dóminum suum, quando revertátur a núptiis: ut cum vénerit, et pulsáverit, conféstim apérian t ei. Beáti servi illi, quos, cum vénerit dóminus, invénerit vigilántes: amen dico vobis, quod praecínget se, et fáciét illos discúmbere, et tránsiens ministrábit illis. Et si vénerit in secúnda vigília, et si in tértia vigília vénerit, et ita invénerit, beáti sunt servi illi. Hoc autem scitóte, quóniam si sciret paterfamílias, qua hora fur veníret, vigiláret útique, et non sineret pérfodi domum suam. Et vos estóte paráti, quia qua hora non putátis, Fílius hóminis veníet.

Credo ratione Octavae.

Offertorium. Ps. 88, 25. Véritas mea

et misericórdia mea cum ipso: et in nómine meo exaltábitur cornu ejus.

Secreta.

Oblátio, quam tibi offérimus, Dómine, nos purget ab omni crímine: quátenus per intercessiónem sancti Emeríci Confessóris tui, cujus sacram recólimus festivitátem, ad caeléstis pátriae adsumámur hereditátem. Per Dóminum.

Et fit Commemoratio Sacrarum Reliquiarum.

Communio. Matth. 24, 46-47. Beátus

servus, quem, cum vénerit Dóminus, invénerit vigilántem: amen, dico vobis, super ómnia bona sua constituet eum.

Postcommunio.

Plebem tuam, Dómine, a cunctis adversitatibus prótege: ut, beáto Emeríco Confessóre tuo intercedénte, et praeséntis vitae devitémus perícula, et futúrae mereámur gáudia sempitérna. Per Dóminum.

Et fit Commemoratio Sacrarum Reliquiarum.

Laus Deo, et Mariae.

